

Izjava visokog predstavnika Valentina Inzka: Državni zvaničnici nisu entitetski predstavници



Visoki predstavnik želi dati komentar o prisustvu zvaničnika sa državnog nivoa na skupu održanom 20. februara 2020. u Administrativnom centru Vlade RS u Istočnom Sarajevu, u organizaciji gospodina Dodika.

“Taj skup se *de facto* ticao provođenja politike Republike Srpske vezane za blokiranje procesa odlučivanja u državnim institucijama.

Prisustvo na tom sastanku je neprihvatljivo, jer ono *de facto* pokazuje spremnost na učešće u blokiranju donošenja odluka u institucijama na državnom nivou. Ono također ozbiljno dovodi u pitanje profesionalni, moralni i lični integritet učesnika i percepciju nezavisnosti institucija koje oni predstavljaju. Čelnici nezavisnih institucija zakonski su obavezni da osiguraju nezavisnost tih institucija od političkog uticaja, i da se suzdrže od svakog djelovanja koje bi moglo ugroziti instituciju koju predstavljaju ili pak njenu nezavisnost.

Podsjetio bih da državni zvaničnici u institucijama BiH koji su izabrani i imenovani sa teritorije entiteta nisu predstavnici entiteta nego države BiH. U skladu sa Aneksom 4. Općeg okvirnog sporazuma za mir u BiH (Ustav BiH), državne

institucije i državni zvaničnici vrše svoje dužnosti u skladu sa Ustavom BiH i odlukama institucija BiH, a ne entiteta.

Ponovio bih još jednom da državni zvaničnici koji su prisustvovali skupu održanom 20. februara 2020. u Istočnom Sarajevu, kao i svi drugi državni zvaničnici, imaju odgovornost da strogo poštuju Ustav BiH i zakon i da su dužni osigurati puno i nesmetano funkcioniranje državnih institucija, uključujući i brz proces odlučivanja.”